

VI.25

KANTIKOU

EVIT

GOUELIU NEDELEK



KEMPER
MOULLET E TI DE KERANGAL
1908

MEULEUDI (Var don :
Meulomp-holl.)

Kanomp holl meuleudi } bis.
Da Jezuz ha da Vari. }

1. Mab Doue, euz an envou,
Dre he c'hinivelez,
A zigas levenez
Ha peoc'h d'an holl galonou.
2. Guelet a reomp 'n he gichen
Jozeph hag ar Verc'hez ;
Guelet 'reomp an Elez
En dro dezhan a vanden.
3. Ar Bastored 'zeu prestik
D'ar c'hraou d'hen adori,
Ha dezho, gant dudi,
Mari 'ziskouez he Mabik.
4. Kinnig a reont da Jezuz
Ho frezanchou dister ;
Jezuz ho digemer
Gant eur mousc'hoarz dudiuz.
5. Gant an Elez beniget,
Gant Jozeph ha Mari,
Kanomp mil meuleudi
D'hor Zalver nevez-ganet.
6. Heb dale, an tri Roue,
Diredet a bell bro,
A zeu ive d'ho zro,
Da glask ar Bugel-Doue.
7. An tri Roue a ginnig,
Gant feiz ha gant doujanz
Aour ha myr hag ezanz
Da henori ar Mabik.
8. Kinnigomp d'he vadelez
Gant ezanz hor peden,
Myr eur guir binijen,
Dreist holl : aour ar garantez. J. B.

MESSAER, MESSAER

Var don : *Berger, berger.*

Messaër, Messaër, livirit, ne velit-hu ket? (*bis*)

En eur velet ar c'hraouik dister)
Va c'haloun baour a lamm em c'hreiz.) *bis*

Ia, setu aze ar c'hraou dister

A guz eun Doue en he greiz.

Sonj ho peuz deuz komzou an Elez?

Hag hi oa kaër ha dudius!

Int a gane : e bar an Envou gloar,

Gloar da Zoue mestr holl-c'halloudus. (*bis*)

Messaër, Messaër, ia e Bethleem omp digouezet; (*bis*)

Deomp buhan da velet ar Zalver)
A ro Doue d'he bobl direiz.) *bis*

Ia setu aze ar c'hraou dister

A guz eun Doue en he greiz.

Strafullet oll oan var ar menez

Pa veliz ho dremmou skedus.

Int a gane : ar peoc'h vo var an douar

D'an holl dud eün a galoun ha sentus. (*bis*) B. C.

VAR AR MENEZ

Tox : *O Vierge, fontaine, rocher.* (Kantik Lourd.)

Var ar menez ar Bastored,

A greiz diouall ho denvedigou,

Souden en noz sklerijennet

Ho deuz klevet e bar an envou :

Nouel, Nouel, Nouel da Jezus. (*bis*)

Aberz Doue eur burzud braz

Var an douar a zo c'hoarvezet ;

Hag an Elez a respontaz :

Eur Zalver evidoc'h zo ganet.

Hag ar Bastored etrezho
An eil d'egile a lavare :
Kerzomp, brema ni a velo ~~el~~
Hor Zalver, hor Mestr hag hor Roue.

Selaouit oll, eme an El,
It da Vethleem, da gear David ;
Eno e kafot eur bugel
D'ezhan a greiz kalon lavarit :

En eur c'hraou digor d'an amzer,
Ha var eun tamik plouz astennet
Eno e veljont ar Zalver,
Ar bugelik nevez mailluret.

Evel ar Bastored sentuz
D'an Elez o deuz ho c'helennet,
Ni oc'h ador, Mabik Jezuz,
Epad an nozvez-ma benniget.

Evel guech all bolz an envou,
An Iliz a zo sklerijennet ;
Kinigomp oll hor c'halonou
D'hor Mabik Jezuz muia karet.

Mabik Jezuz hor guir Zalver
Brema var an douar diskennet,
Er Zakramant euz an Aoter
Ra viot da viken adoret.

Mabik Jezuz, o diskennit
Dre nerz ho Sakramant adoret ;
Diskennit ennomp, ha mirit
Na vezimp taget gant ar pec'hed.

Pa deuï evidomp ar maro,
Hon digemerit gant karantez
Ha da virviken ni gano
En ho Paradoz gant an Elez.

H. DU R.
